

”



ملف الكتابة الخاص بالملف  
الصوتي للفكرة العامة

فصل الشتاء بالشام



[www.SpeakRealArabic.com](http://www.SpeakRealArabic.com)



[members@SpeakRealArabic.com](mailto:members@SpeakRealArabic.com)





أهلاً و سهلاً فيكن بموقعنا "Speak Real Arabic" تعلم العربية المحكية، اليوم رح أحكيلكن عن موضوع حلو كتير و هو فصل الشتاء بالشام رح نتعرف على أجوائه الحلوة و الباردة و الطقوس الخاصة يلي بيعملوها أهل الشام بهالفصل ...

و يلا نبليش ....

الشتا بالشام...

بس نقول "شتا"، دغري بنسمع صدى صوت فيروز براسنا وهي عم تغني "رجعت الشتوية..."

الشتا بالشام إلو نكهة خاصة، نكهة ما بتتكرر ولا بتتحسّ إلا هون. أول مطرة بتتنزل فجأة، بأول أيام الشتاء، بترجع عاليبيت وشعرك مبلول، وتيابك عم تنعصر عصر، وكل شوي عم تعطس، بس مبسوط!

ولما بتفوت عاليبيت بتلاقي أمك عم تقول: "يا إلهي! إجت الشتوية هالسنة فجأة!"

أول ما الغيوم بتتجمع بالسما وبتنزل أول نقطة مطر، بتحس كل الناس تغيّرت حياتها.

بيصير في شغلات لازم تنعمل: من المونة، للتعزيز، لمدّ السجاد، وغيرها وغيرها.

ريحة الأرض بعد المطر، والهوى البارد اللي بيلفّ الشوارع القديمة، بيعطوا المدينة طابع ما بينتسى.

